

海陽縣誌序

讀史者不渺思微會而以記憶
稱博雅是謂書厨作史者不真
知灼見而以勦襲矜富有是謂
獺祭二者泛而不親與圍而無
用皆非經世學也然則古之名
史如漢之司馬遷班固晉之徐
廣唐之劉知幾吳兢諸公必巡
行列國目擊閭閻而後登諸史
冊其車轍馬跡何不憚煩雖然
治統昭乎史文獻徵乎志志史
之流也故披覽職方褒誅筆削

太史之事也而入國問俗稅駕

桑田周知疾苦與斯民寤寐相
往來者良有司之職也所以國
有史省有志而郡而縣亦例有
紀乘邑乘之得失關乎異日之
輜軒可不慎歟海陽舊爲大嵩
衛雍正十三年請裁四衛等事
蒙
皇上錫以嘉名屏茲東服事皆創始
百務棼如前任高公建造衙署
倉庫而外正在次第舉行旋以
擢去予於乾隆四年二月調任

茲邑蒞事之後正憂山國民貧
鹵邦地瘠而城垣傾圯海濤夜
驚

聖廟陲陟觀瞻不肅其他應行事件
案不勝稽更可矜者五方配發
之犯言語不同鳩形鵠面罔不

沁沁覘覘以待命於邑宰衛裁
則隸併縣例固然也顧海陽蕞
爾彈丸居民且憂乏食其堪此
外方游手者寔繁有徒耶余唯
是勵精淬神夙夜匪懈權其緩
急先後自四年八月修理城垣

越次年告竣而封守固矣旋卽
修葺

文廟雖不能鼎新而增復古制學校
安矣議詳買補穀一萬石而積
儲備矣因爲援例請給軍犯口
糧蒙

大中丞 奏請奉
旨俞允復又捐建樓流所而流民定
矣又於欽奉
上諭巡歷村庄案內周行村落問民
疾苦因得遍歷群峰遐瞻巨浸
考其來龍歸宿之處稽其屏藩

扼要之區凡所謂山川雲物都鄙市廛物產民情罔不逐時記載真知而灼見矣又因要地必需巡防詳建小紀營房墩臺而烽警有備邊防無虞矣凡此皆荷

各上憲策勵駑駘以時督率俾予得從容辦理無致覆餗一日者
大中丞有令凡在郡縣各誌舊有者續編新設者創始寔力奉行母徒文飾余奉令之下仰見

名公卿采風問俗下察民情痼瘼在抱之至意因思縣志所載戶口田賦其最重也去歲適當編審戶口清釐現在

奏請至於田賦則予三年來推收徵比有荒必除有墾必陞歲歲

全完現邀議叙者也星野輿圖則史冊可稽山川風俗則巡行已到城垣壇壝則畚鍤方休倉庾積儲則報完有數物產詢之土人科貢諮之秉鐸而唯忠孝節義之事奏疏記序之文一時


未能詳盡用是進邑之縉紳士
子而諏之唯時士大夫莫不奮
興文教廣爲搜羅不渝月而成
帙粵稽古來史館莫盛於唐之
直史而韋述柳芳等亦必七年
而始成呂夷簡益以三朝更復

需以時日搜羅記載原非猝時
可辦也雖然予之修志也奉令
在辛酉臘月而躬親閱歷已始
於己未仲春迄今已三載矣夫
亦何依何違而故爲遷延歲月
哉書成分列牙籤上呈

大中丞其間疎略之處所在正多
一承 大匠斧斯自可信今傳
後予不敏不敢附於唐宋諸儒
編年紀事之末而如日記憶勦
襲則庶幾免矣是爲序

乾隆七年歲次壬戌仲春望日穀旦

賜進士出身文林郎知山東登州府
海陽縣事前知武定府蒲臺縣
事戊午科鄉試同考官紀錄二
次記功一次包桂題於鳳臺官
舍



海陽縣誌目次

卷之一

修志姓氏 凡例 目次說

海陽十景記

卷之二

星野圖 縣境圖 城圖 學宮圖

十景圖 星野 沿革 疆域

卷之三

山川 都鄙 古蹟 災祥

海陽縣誌

目次

戶口 田賦 風俗

卷之四

物產 鹽法 海道 學校

建置 祀典

卷之五

驛遞 兵防 積儲 職官

科貢 文武仕 辟舉

卷之六

封廕 人物 列女 外紀

卷之七

藝文 藝文 藝文

卷之八

藝文 版

海陽縣誌

目次

二

海陽縣誌卷之一

修志姓氏

賜進士出身文林郎山東登州府海陽縣知縣紀錄一次包 桂纂修

海陽縣監生考授州判趙振第

海陽縣貢 生趙翕宗

海陽縣廕監 生李承寵

海陽縣監 生修永齡

海陽縣學廩 生李承瑞

海陽縣學生 員趙之泉

海陽縣誌

卷之一

修志姓氏

一

海陽縣學生 員趙基

海陽縣儒 童李承愬

海陽縣儒 童李承進

海陽縣儒 童李承美

浙江杭州府仁和縣學生員張振河

浙江杭州府錢塘縣附監生包焯

浙江杭州府錢塘縣監生包熾

浙江杭州府錢塘縣監生包煒校對

海陽縣兵房典 吏孫維璉

海陽縣兵房典 吏史紹經

海陽縣承發科典 吏孫作義臚錄

海陽縣誌

卷之一

修志姓氏

二

凡例

一誌以傳信且以經世一切浮光掠影之事俱不敢載且字斟句酌斷于醇正凡怪誕險仄之語非唯有關風化抑恐貽笑大方

一縣中原無舊志近奉 憲檄纂修故訪求時事博採先型盡其見聞所及以為草創其間闕畧頗多甚有望於後之討論

一誌屬外史務求繁簡得宜如賦役已有全書不妨僅綜其要風俗同於他邑何敢別炫其奇

海陽縣誌

卷之一 凡例

三

一職官之載凡以官之有職于茲土也海陽設于雍正十三年則未分縣以前均係衛官不係衛官即係萊陽官寧海官俱與本縣無涉故不具載

一職官於未分縣前既不具載則凡人物科貢忠孝節義凡十三年前者亦應不載雖然官以縣名故有縣斯有官事以地徵故有地即有事譬如十三年後之忠義錄之而前此者弗與是錄其子孫而遺其宗祖也况死者之坟墓現入海陽之版圖乎是焉可不錄

一他集所有而茲集所無者如陵寢官室宦蹟實無其事何敢照綴以飾觀他志所無而茲集獨有者

如鹽法海運積儲實有其事何可疎忽以遺漏一節孝自分縣以來奉

旨旌表者僅八人耳集中所載浮於茲額非敢濫觴以示惠蓋緣海濱僻處愚民無知有不知定例而不請

旌者有子孫外出或絕嗣而不請旌者或有單寒孤苦為矜士所不知搜羅所不及而

海陽縣誌

卷之一 凡例

四

不請旌者若一槩抹煞無以慰孤魂于地下表而出之以見善善欲長之意

一海陽新設小邑無駐劄大臣無當事顯要故一切奏疏條議不能多得而風花雪月之詩又無足取故於傳記銘表搜羅一二亦無非表宅式廬之意一藝文中必本地人言本地事則寥寥一二青竹減色故有他邑人而言海陽事或海陽人而言他處事者均載入

海陽縣誌分類次第說

洪範九疇之有次也義經禘卦之有序也然則邑乘事
勞而類異亦有序乎亦有說乎曰有為治者莫重於民
事民事所在而先驗之天何也幽風之詩曰七月流火
九月授衣周禮辰角見而雨畢天根見而水涸駟見而
隕霜火見而戒寒蓋以節氣之早晚躔次之後先而為
興事力作之候故志書首星野焉然仰觀於天者猶必
俯察乎地天之星辰不由人轉移地之繡壤則隨時封
建星不變而野有變故沿革次之既有沿革則當為之

海陽縣誌

卷之一 分類次第說

六

奠山川釐版圖分保甲立市廛故疆域形勝山川都鄙
又次之然而封域之內有時鳳城麟遊有時石言神降
錫之休而垂之戒皆天時地利之所時有也故災異次
之由是而稽民事司民則獻籍也司農則正供也太師
則陳風也太史則納賈也故戶口田賦風俗物產又次
之田事既飭農乃不惑通商惠賈關市毋索故鹽法海
運次之如是者民生厚矣民行未興可奈何故學校次
之六府孔修彝倫攸敘而後力役興衛民者有城池居
官者有公署蓋藏者有倉廩傳羽者有舖舍濟貧柔遠

者有院有所型方勵俗者有祠有坊或經營或脩葺而

皆得以建置該焉故建置次之由是先成民而後致力

於神祈年報饗歲時伏臘故祀典又次之有時輶車展

止君言不宿故驛遞次之雖然此言其常也未言其變

一旦天災流行小醜竊發將何恃以無恐故積備兵備

次之爾乃飭官常慎選舉重恩榮廣錫類故職官科貢

封廕又次之興廉講讓式廬旌里忠孝節義王化之成

故人物次之男女不可以無別故烈女又次之外紀者

何非聖賢之教而別為一端故外之然既外之又何以

海陽縣誌

卷之一 分類次第說

七

列于藝文之前考藝文所載亦有咏歌勝景及揮毫梵
字者故以藝文總天時地利人事物產之全而綜德行
政事文學言語之綱也故以藝文終之書曰若網在綱
有條不紊蒞斯邑者按序敷施化成久道毋徒作案牘
觀也

海陽十景

高頂仙踪

邑東北四十里有山名菩薩頂曠無人所居飛昇時以炭書詩八句于石風雨不壞至今尚在詩曰孤峯雲隱舊山堂遠寄萍踪到此鄉不願高車雲節擁可堪松蓋晚風涼南官行滿三千錄北院蒲團六月長今夜乘鸞歸海嶠碧桃開處姓名芳

龍山遠照

邑西三十里其山尖秀聳拔曲折蜿蜒狀如龍形山頂有石洞天橋諸景山中多異蛇土人呼為小龍每當七月間連晴數日於日曠時山形斜照城內樹影參差峯巒如繪

海陽縣志

卷之一 海陽十景

八

浦在邑西南二里有石如虎通城建此故名虎墩面臨海汶春夏間漁艇鱗集迷離來往直入畫圖明萬歷間村人夜常見虎時失牛羊捕之不得村人疑此石鑿其後肘而患息

嵩院藏經

院在邑北二十里四面環山層巒抱擁真有天竺冷泉之致院中有藏經均非吾儒所識且不記其從來

南門海市

海離城二里波瀾騰湧拍岸排空一遇南風如萬馬千軍鼓聲不絕又如雷聲隱隱晝夜喧闐春夏之交海市頻起山林城市變化萬千歷辰至巳或歷午至未蓬萊閣有此神奇而無此經久

奇峯虎踞

鳳臺出日

邑南門外有石突起明末有鳳樓于此因以為名侵辰早起東望日出銀盆吞吐碧濶染紅五色彩霞千奇萬狀

玉山卜雨

山在邑東北二十里上有玉皇廟峯巒高而巖峻小無香火無廟祀風雨淋漓歷久不壞且辛陽道人跡罕到每逢夏旱邑人叩于山下若見廟角生雲無有不雨

沙峯擎石

海陽縣志

卷之一 海陽十景


九

邑北七十里俗名三把沙有巖旁小山水環沙積而成堆大小三峯有似蘇山上橫一石安置平正沙不積而石不欹秋間山澗水發一片汪洋石隨水沒水退而石如故

峒岬瀑布


邑東北十五里山最高大有院名峒岬岡嶺四合隱如大環西北有瀑布高懸千尺白練銀淙曾吹彭湃聲應山谷

境 縣




海陽縣誌

卷之二 星野圖



海陽縣誌卷之二


圖 之





海陽縣誌

卷之二 縣境圖





學宮圖



高頂仙踪

舊日堂前壁有
 詩風雨跡迷
 離碧桃開盡花
 多老瑤蕩歸來鶴
 可清草笠有詩



尋春跡棕鞋與卷
 覓胡笳河奔厥
 銀津冷刺潯
 丹崖一二芝
 包桂題



海陽縣誌

卷之二十景圖

五



龍山遶照
 蒼霄蒼冷夕陽山
 板翠壁

欽容先漁舫淺浦鷗
 鱗角野史鋤雲破
 場石豈鞭米移遠
 縮瑟送扶桑多情
 板龍客幸
 有餘穉
 通海
 疆
 包桂
 題



海陽縣誌

卷之二十景圖

六



虎墩魚
 浦
 解次飛帆
 勢欲低輕繞野艇
 棹聲齊一卷
 帟結

滄江北三岳開雲古
 渡西靜夜中流聞
 白跳隔村漁舍
 報寒雅龔黃有
 政仁風拂自有
 蟾蜍到五溪
 包桂題



海陽縣志

卷之二十一景圖

七

嵩院藏經
 科頭席地坐
 聞鶯祇樹園
 閑綠野



平良
 手書
 古苔
 靜觀
 善看
 笠白
 佳未
 沙行
 包桂題




海陽縣志

卷之二十一景圖

八

東門海市
 東藩鎖鑰
 重皇州次
 第春光景
 色出已有蓮
 蘇名柳甸
 忽聞神女幻
 龍舟未央錦
 繡三千村園



苑筆歌十二樓

河伯効靈多

點綴遊吁

航海獻共

詩

包桂題



海陽縣誌

卷之二十一景圖

九

奇峰虎踞

東牟一國半屈屨靴

昂天然色相奇之祖廟前松樹

古小姑頂上星雲款假威何據

風生各長嘯出聲焉

卧枝自是君家能一爽

梅揚年到鳳凰池

包桂題



海陽縣誌

卷之二十一景圖

十



鳳臺日出

海隅丕冒共寅賓奉一和
鳴報曉春一線扶光繞出嶠
十洲飛駕早趨衣鴉鷲赤
浪翻金背岫染丹砂盪火輪
西望充階雲起
尺來儀苞明
慶波臣
包桂題



海陽縣誌

卷之二十景圖

十一

玉山雨

奇峰飛翠掖宸居萬
目恒賜盼太虛石壘自隨
帆勢轉鷹風欲動雨未
初嵐穿屋牖通呼吸
氣拂天衢任卷舒頃刻
甘霖集古慶聖心出岫
包桂題



包桂題


海陽縣誌

卷之二十景圖

十二

沙峯擊石

玉筍如雌駕石
橋銀津天際半
垂腰舩稜水面
璇為柱峯峯以
欽深似標雪浪
千尋帶鶴立
桃花三月未
冰消傳聞



巨壑投竿
毒蓋逐飛
砂度九霄
包桂題



海陽縣誌

卷之二十一景圖

十三

岨岨瀑布
倒映千尋山
津通岨岨名傍
海門東黎花歷
秋容冷環珮珊
月空淡冶白雲疑
出岫依稀志遠
豈進風高山流水
深人仰不借胸



一樹楓
包桂題



海陽縣誌

卷之二十一景圖

十四

星野

昔保章氏以星土辨九州之所封封域皆有分星以觀妖祥蓋璿璣玉衡法制精微明其理者不難列九州於几席箕風畢雨之間帝王之所以驗庶徵也後世星學紛紜談天元渺費直蔡邕之推測有差班固康成之持論各異稽紳先生其何所折衷耶登郡為古牟地入危九度晉儒蓋詳言之顧統寰宇而論之則東省得十五之一就東省而論之則登郡又分十之一就登郡而論之則海陽又

海陽縣誌

卷之二

星野

去

分十之一海角天涯區區下邑猶之升斗之黍粒耳上以證諸茫茫未必其宿離不忒也然而史冊具在引據可憑就其一同之見刪其互異之文姑錄所聞以俟博雅者之考訂焉為之稽星野齊地虛危之分野也東有菑川東萊琅邪高密膠東南有泰山城陽北有千乘清河以南渤海之高樂高城齊今陽信西有濟南平原皆齊分也漢書登州地屬東萊郡春秋運虛危之精流為青州分為齊國立為萊山斗極東萊入危九度晉書

須女虛危玄枵也初須女五度餘二千三百七十四秒

四小中虛九度終危十二度其分野自濟北東踰濟水

涉平陰至于山往循岱岳泉山之陰東南及高密又東

盡萊夷之地得漢北海千乘淄川濟南齊郡及平原渤

海九河故道之南濱于碣石古齊紀祝淳于萊譚寒及

斟尋有過有禹蒲姑氏之國其地得媯管之下流自濟

東達於河外故其象著為天津絕雲漢之陽凡司人之

星與羣臣之祿皆主虛危新唐書

虛二星距南星去極一百度半危三星距南星去極九

海陽縣誌

卷之二

星野

去

十六度宋兩朝天文志

登州北極出地三十八度元史

按山東一省屬青屬齊兼徐之北境與豫之東境漢

志所載角亢氏分兗州房心分豫州虛危分青州奎

婁胃分徐州又漢班固志自須女八度至危十五度

為元枵於辰在子齊之分野屬青州又春秋運斗極

云虛危之精流為青州分為齊國立為萊山又晉書

曰東萊入危九度登郡自晉以前俱稱青州部南宋

以後則稱東萊明洪武九年始陞登為府割萊之招